

A *rubá***A** *ntaño*

Den nos Aruba di Antaño, nos hubentud y nos pueblo semper a goza di e poco atraccionnan deportivo, pero cu si a ser practica den e forma sano y amical. Pa menciona algun cu ya awendia ni sikiera e muchanan sa di nar., pa asina diverti nan mes sanamente mas cu e peligro cu nan tin di confronta awendia. Tuma por ehemplo hizamento di flie, cu ainda tey den poco di nan e wegá di bomba a para bira mas moderno y di cual si ta di menciona cu un gran numero di nos muchanan ta adapta nan mes na dje, y esaki a bira tanto softball pa e grandinan como little league pa e chikitinan. Futbol di e tempo di bala di spons, a crece bira grandi, y ser bautiza cu e nomber di "e deporte rey". Pero ta di lamenta cu awendia pa falta di e verdadero comprension esaki a tambalea net awor cu despues di mas di mei siglo Aruba como pais a bira un otro asociacion den e organo mas grandi di mundo pa loke ta deporte cual ta e FIFA. E deporte aki for di masha tempo átras for di e tempo di Aruba su Antaño tabata esun mas preferi y practica te ora cu despues e domine Eybers a formula e prome team di futbol na Aruba. For di den e patio tras di school, cu bala di spons, cu di vez en cuando ta bai pega den cadushi, nos Aruba di Antaño a produci futbolistanan di talla y di disciplina y amor pa e deporte ey. Te cu Aruba su Wilhelmina Sport park cu despues a bini e Wilhelmina Stadion, cu a bira e escenario pa nos deleite, y cu a presenta figuranan grandi y mundial tal manera Alfredo di Stefano, Johann Cruyff, Rossi, equiponan manera Arsenal, Feyenoord, Millonarios, F.K. Austria, Hungria, y hopi mas. Den e Aruba di Antaño, Aruba semper a destaca cu su futbol y tambe cu su beisbol den forma mucha mas atractivo y fuerte cu den actualidad. Despues a yega e momento mescos cu tur otro parti caminda e deporte ta ser practica y hunga bao di iluminacion. E prome partido bao luz artificial a ser realiza riba e tereno di lago Heights, cu tambe tabata un suelo unda varios deporte a ser practica. Cu desaparicion di esakinan nos por constata cu verdaderamente compara cu e Aruba di Antaño nos a cai atras, pero semper cu e speranza di por recupera e tereno perdi, basta cu pa parti di organizadornan y gobierno por tin un vision pa cu esaki. Nos Wilhelmina Stadion cual nos por ilustra algo di dje den nos columna di Aruba Antaño a bria un realidad dia 12 di April 1952, e esaki nos tin di yama danki na esfuertonan grandi di nos comunidad unda a ser forma un Comision yama Comision Stadion. Den tal ocasion e honor a toca un di nos sobresaliente deportista den e tempo ey den figura di Yanny Brokke cu a pronuncia solemantemente e siguiente promesa. "Nos tur reuni aki, ta priminti cu nos lo compo.ta como deportistanan honrado y cu nos lo respeta reglanan di deporte y nos lo combati otro cabalerosamente na bienestar di nos respectivo clubnan y pa progreso di deporte. "Wilhelmina Stadion a bini tuma over for di Wilhelmina Sport Park cu a sirbi nos futbolistanan pa mas di 18 aña largo prome cu a bini cu nan Stadion.